

**RESOLUCIÓN REITORAL DE 18 DE DECEMBRO DE 2025 POLA QUE SE APROBA A
CREACIÓN DUN GRUPO DE TEATRO NO CAMPUS DE PONTEVEDRA E FORMACIÓN
TEATRAL DO MESMO PARA O CURSO 2025/2026**

A Vicerreitoría do campus de Pontevedra posúe capacidade para organizar cursos, obradoiros, conferencias, así como aquelas actividades que teñen como obxectivo, entre outros, a difusión do coñecemento e da cultura a través da extensión universitaria e a formación, en virtude das facultades que lle outorgan a Lei Orgánica 2/2023, do 22 de marzo, do Sistema Universitario, e os Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019.

Tendo en conta o anterior, esta reitoría **RESOLVE**:

1. Anunciar a creación dun Grupo de Teatro e formación teatral do mesmo no campus de Pontevedra para o curso 2025/2026, con suxeición ás bases que figuran no Anexo I.
2. Ordenar a publicación da presente resolución no taboleiro da sede electrónica <https://sede.uvigo.gal/>

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/ 1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer contra esta resolución recurso de reposición no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non se poderá interpoñer un recurso contencioso- administrativo ata que sexa resalto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 30/05/2024 (D.O.G. do 10 de xuño)

A vicerreitora do campus de Pontevedra

Eva María Lantarón Caeiro



ANEXO I

CREACIÓN DUN GRUPO DE TEATRO NO CAMPUS DE PONTEVEDRA E FORMACIÓN TEATRAL DO MESMO PARA O CURSO 2025/2026

OBXECTIVOS E TEMÁTICA:

Dende a vicerreitoría do Campus de Pontevedra vense constatando que na actividade teatral o alumnado participa activamente, primeiro na formación, onde comeza e aprende a coñecer a actividade teatral, historia e técnicas e, unha vez con esta base, comezan a traballar na elaboración de obras teatrais que logo se representarán ante o público. Por iso, é fundamental enriquecer a vida cultural da comunidade universitaria o traballo de dar a coñecer o evento teatral dende a universidade.

Plantéxase, xa que logo, a creación dun Grupo de Teatro no Campus de Pontevedra que culmine a fase inicial de formación do primeiro cuatrimestre e que posibilite a realización e posta en escena dunha obra teatral que poida representar ao campus nesa faceta cultural no ámbito da Comunidade Autónoma e no exterior.

Os destinatarios desta formación son a comunidade universitaria e as persoas interesadas en participar como actores e actrices nun proceso de creación teatral.

PROGRAMA:

Exercicios preparatorios
Relación entre actores/actrices
Relación actor-público
Posta a punto corporal e vocal
Lectura e comprensión do texto teatral
Análise de situacións
Análise de personaxes
Obxectivos do personaxe
Obxectivos do traballo
Encarnación do personaxe
Externas e internas
Busca de voz e pose corporal
Subtexto
Ritmo interno do personaxe e ritmo externo das accións
A montaxe teatral
Improvisacións sobre os escenarios
A relación
Indicacións sobre a interpretación

REQUISITOS DAS PERSOAS SOLICITANTES:

Poderán solicitar a participación no Grupo de Teatro do campus de Pontevedra as persoas que pertencen á comunidade universitaria da UVigo e a cidadanía en xeral, sempre que sexan maiores de idade.



Realizarase unha selección previa por parte da dirección do curso, establecendo unha preferencia para a comunidade universitaria e para as persoas que realizaron previamente o curso de formación no primeiro cuadrimestre do curso 2025/2026 sempre que contengan coas aptitudes mínimas esixidas.

DÍAS E HORAS:

Os luns e mércores desde o 2 de febreiro ao 3 de xuño de 2026

2, 4, 9, 11, 23 e 25 de febreiro de 2026

2, 4, 9, 11, 16, 18, 23 e 25 de marzo de 2026

6, 8, 13, 15, 20 e 27 de abril de 2026

4, 6, 11, 13, 18, 20, 25 e 27 de maio de 2026

1 e 3 de xuño de 2026

De 18:00 a 21:00 horas

TOTAL HORAS: 90

LUGAR:

Salón de Actos da Facultade de Belas Artes.

DOCENTES:

Jesús Salvador del Río

Omar Ferrín

Sonia Rúa

PREZO: GRATUÍTO

MATRÍCULA:

As persoas interesadas deberán enviar un correo electrónico a vic.pon@uvigo.gal no que indicarán:

Nome completo e apelidos, dni ou nie e o colectivo ao que pertencen.

Curriculum relacionado cos criterios de selección recollidos nestas bases

O prazo de solicitudes será desde o día seguinte da publicación desta resolución reitoral no taboleiro de anuncios electrónicos da Universidade de Vigo ata ás 14.00horas (hora peninsular española) do 9 de xaneiro de 2026.

A presentación fóra de prazo así como a presentación por outras vías supón a non admisión a trámite da solicitude.

PRAZAS: 15

Este número de prazas poderase ir incrementando ao longo do curso a criterio dos docentes en función das necesidades do grupo. Para iso os docentes deberán facer unha proposta de novas incorporacións para a súa inclusión oficial, enviando un correo a vic.pon@uvigo.gal. A vicerreitora do campus de Pontevedra autorizará ou denegará esta petición.



SELECCIÓN:

Rematado o prazo de presentación de solicitudes farase unha selección de entre as persoas candidatas de acordo cos seguintes criterios:

Currículo presentado na solicitude.

Proba de habilidades teatrais:

- Movemento
- Actuación
- Voz e dicción

Os docentes, co obxecto de garantir un nivel mínimo de calidade inicial, seleccionarán de entre as persoas participantes aquelas que cumpran cos requisitos técnicos de acceso mediante unha proba que terá lugar o día 12 de xaneiro de 2026 ás 18.00 horas no Salón de Actos da Facultade de Belas Artes.

Rematada a proba, as persoas seleccionadas para o Grupo de Teatro do campus de Pontevedra recibirán un correo electrónico indicándolles que deberán matricularse a través do campusactivo.uvigo.gal no prazo indicado.

INFORMACIÓN SOBRE PROTECCIÓN DE DATOS:

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/ 46/CE (Regulamento Xeral de Protección de Datos ou "RXPd") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a creación dun Grupo de Teatro no campus de Pontevedra para o ano 2025/2026. Coa súa participación nesta convocatoria a Universidade de Vigo publicará os seus datos, de acordo cos principios de publicidade e transparencia, e conforme ás bases desta resolución. Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986813419 ou ao enderezo electrónico igualdade@uvigo.gal. Estes datos trataranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos. Os devanditos dereitos poderá exercelos mediante solicitude en sede electrónica da Universidade de Vigo <https://sede.uvigo.gal/> ou solicitude dirixida ao Reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>. Igualmente poderá dirixir dita solicitude directamente á Delegada de Protección de Datos da Universidade de Vigo, ao enderezo electrónico: dpd@uvigo.gal. Así mesmo, se a súa solicitude non é atendida pola Universidade de Vigo, vostede ten dereito a presentar unha reclamación ante a Axencia Española de Protección de Datos (AEPD).

